

**Namminersorlutik Oqartussat nalunaarutaat nr. 26, 4. november 2016-meersoq Qaasuitsup Kommuniiani imigassanik aalakoornartortalinnik nioqquteqartarneq sassaallertarnerlu pillugit**

Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaanni nr. 11-mi, 11. november 2000-meersumi, Inatsisartut inatsisaata allangortinneratigut Inatsisartut inatsisaatigut nr. 3-kkut, 21. maj 2001-imeersukkut allangortinneqartumi, § 26, imm. 1, nr. 2, aamma 3-mi aammalu § 27, imm. 3, naapertorlugit aalajangersarneqarput:

*Atuuffia*

§ 1. Nalunaarut Qaanaamut aamma nunaqarfinnut Qeqertanut, Savissivimmut, Siorapalunnut, Aappilattumut, Kangersuatsiamut, Kullorsuarmut, Innaarsunnut, Naajaanut, Nuussuarmut, Tasiusamut, Nutaarmiunut aamma Upernavik Kujallermut atuuppoq.

*Imigassanik aalakoornartortalinnik nioqquteqarneq sassaallertarnerlu*

§ 2. Nunaqarfimmi Savissivimmi imigassanik kimittuunik kimikitsunillu aalakoornartortalinnik tuniniaaneq inerteqquataavoq

§ 3. Nunaqarfimmi Savissivimmi imigassanik kimittuunik 15 procentimik taannaluunniit sinnerlugu kimittutigisumik sassaallertarneq inerteqquataavoq.

§ 4. Qaanaami kiisalu nunaqarfinni Qeqertani aamma Siorapalummi imigassanik 15 procentitut, taannaluunniit sinnerlugu, kimittutigisumik aalakoornartortalinnik nioqquteqartarneq sassaallertarnerlu inerteqquataapput.

§ 5. Nunaqarfinni Aappilattumi, Kangersuatsiami, Kullorsuarmi, Innaarsunni, Naajaani, Nuussuar-mi, Tasiusami, Nutaarmiuni aamma Upernavik Kujallermi kingorna nassiunneqartussanik inniminneereernikkut imigassanik kimittuunik kimikitsunillu taamaallaat nioqquteqartoqarsinnaavoq. Nassiussineq Upernavimmiit imaluunniit Kalaallit Nunaanni illoqarfimmit allamiit pisassaaq. Imigassat pisiariniakkat pisiarartumut toqqaannartumik imaluunniit nunaqarfimmi pisiarifik aqutugalugu tunniunneqartassapput.

*Imm. 2.* Imigassanik siumoortumik inniminnikkanik tunniussineq taamaallaat pisinnaavoq, imigassanik aalakoornartortalinnik nioqquteqartarneq sassaallertarnerlu pillugit qaqugukkulluunniit Inatsisartut inatsisaanni atuuttumi nioqquteqarnissamut piffissaliussatut aalajangersakkat iluini.

§ 6. aamma §§ 2-5-imik unioqutsitsinerit akiliisitsissutaasussanngorlugit eqqartuunneqarsinnaapput.

*Atortuulersitsineq*

§ 7. Nalunaarut ulloq 7. november 2016-imi atortuulerpoq.

*Imm. 2.* Peqatigitsillugu Qaasuitsup Kommuniiani imigassanik aalakoornartortalinnik nioqquteqartarnej sassaallertarnerlu pillugit Namminersorlutik Oqartussat nalunaarutaat nr. 5, 4. marts 2011-meersoq atorunnaarsinneqarpoq.

*Namminersorlutik Oqartussat, ulloq 4. november 2016*

Agathe Fontain

/

Lone Nukaaraq Møller